

Ichi ni kipindi cha Dorothy;

Jesu! Leka nidedie aighu ya Jesu asubuhi ya idime. Wodeka ni mvono; loli; mvono ghwa mwana wa ititi. Koko na wana wa woni walazi, ela koka na uhu Umweri, Jesu, Mkiri, na Nuo Kristo Bwana.

Andenyi ya chuo chielie cha **Luka 2:8-20** chaweghora;

**8 Andenyi ya isanga jija jeni, korekoghe na walisha mlambenyi, wikilindia mfugho rawo nakio.**

**9 Nao malaika wa Bwana ukawifutukia, na wubaa ghwa Bwana ghukang'ala-ng'ala chia rose kwawo, nawo wikaobua nandighi.**

**10 Malaika ukawizera, "Msakeobua, angu namredia inyo malagho mecha gha kuboilwa kubaa kuchaakaia kwa wandu wose.**

**11 Angu idime koni, Mkiri wavalwa kwa wundu ghonyu mzinyi kwa Daudi, na ni Kristo Bwana.**

**12 Na ihi niyo alama emmbonyera, mchakiwona kana kakoo karighirilwa nguwo ra kiwanake, kararishwa andu mfugho rijiagha kiwandenyi.**

**13 Nao shwa jikawoneka izungu ja mlungunyi andwanweri na uja malaika, jikimkasa Mlungu na kughamba,**

**14 "Wubaa ghukaie kwa Mlungu aighu na ndighi, na sere andonyi kwa wandu; awo uboilwagha nawo!"**

**15 Nao iji weke malaika wereghendieghe noko cha mlungunyi kufuma kwawo, awo walisha wikazerana, “Nndokonyi dighende Bethlehemu, diriwone iro maza Rakaia, iro damanyishwa ni Bwana.”**

**16 Wikaghenda shwashwa, wikammbona Maria, Josefu na kana kakoo kararishwa andu mfugho rijiagha kiwandenyi.**

**17 Nao iji walisha wammbona, wikawighoria malagho ghose wereghoreloghe ni malaika gha uja mwana.**

**18 Na wose weresikireghe wikashinika kwa agho wereghoreloghe ni walisha.**

**19 Ela Maria ukaghiwika agho malagho ukighiririkanya ngolonyi kwake.**

**20 Na walisha wikawuya wikimkasa Mlungu kwa agho ghose wereghisikireghe na kughiwona sa iji koni wereghoreloghe.**

Daweshoma kwamba, walisha niwo werekoghe wa imbiri kubusa hekalunyi kumwona Jesu. Na awa walisha, wedeka sa mkohani Simeoni, wikiwesera kuwona zoghori ya Israeli. Na nawekoghe walisha wiko woruwu; wedeka wikilindia ng’ondi isewadie iboa, ija yekoghe ikizighanwa kula ngelo na kuredwa, kula ituku, kwa ivi vizongona vibaa viredwagha kwa hekalu. Werekoghe wikimanya kwamba, woko Umweri uchacha ituku jimbu, na Nuo momi Uekeri Ng’ondi ya Mlungu isewadie iboa jingi. Werekoghe wikielelwa ni Maandiko na kwa kufunywa vizongona, nabagha kudika eri widime kughenda imbiri ya Mlungu Mweli. Na msharia ghwa 10 ghwaweghora;

**10 Malaika ukawizera, “Msakeobua, angu namredia inyo malagho mecha gha kuboilwa kubaa kuchaakaia kwa wandu wose.**

*Na iji si ilagho jiboie? Kwawemanya, kwadima kungia andenyi ya malagho kwaweghibonya na ngelo ichenio kuasikira mndumu ukighamba, “Neko na malagho ghiboie, gha mecha mabaa!”.....ghaja ghikaiyagha sio kwawo kuekeri, ela..... kwa wandu wose. Kwa huwo, idime dikaie andenyi ya malagho ghiboie gha mecha mabaa, ghaja ghiko gha wandu wose.*

Awa walisha, kwa wueli ghawo ghwa maisha na kuka na ngolo ra kukusera, werekoghe wakata kuka wa imbiri kughorelwa na kurasimilwa ni malaika. Na weke malaika ngera wekundeghe kughoria wandu wazima kwamba, “Oho, Bwana wameria kucha andoenyi na wafunya mumbi ghwake! Wokwaeni!” Na kwadima kughesha wedeka wikigharwa-gharwa ni kughora iji ilagho? Wedeka wikikunda kughorea wandu! Na awa wandu wedeka wikilindia ng’ondi rawo. Na ini siwemanya, ela malaika werekoghe waboilwa ni kughora agha maresho mawishi.

Na ni ngelo ya mwaka ghua agha ghebonyikieghe? Na ngera kwaweghora, yedeka ni mori ghwa ikumi na iwi. Wuloli ni kwamba, iranu jedeka mlambenyi nakio. Na masaa ghedeka ni mapema angu luma lwa mori ghwa ikumi na iwi kwa kimu icho. Na kwawemanya, ituku sio ilagho ibaa. Wuloli ni kwamba, ndedikasagha nadime; ndedibonyagha mizango; dadamkasa Kristo uhu uko moyo. Na ilagho jiniboiyagha ja awa walisha ni kwamba, werekoghe wikimanya kwamba, Mlungu wawewimanya. Mlungu wamanyagha kazi yaku kufuma aho imbiri ya wurumwengu. Mlungu womanyireghe aighu ya awa walisha aje. Na nayekoghe ni fwana ya mdamu kuwoneka, ela yedeka ni wudadu kuwoneka na wudamu kuka andenyi ya kilambo chielie, chija cherekoghe chivalo. Mlungu womanyireghe ghose aighu ya agha, na ukamanya marangi ghaja ghiko tayari kughenda na kukasa. Na kwadima kughesha maghesho ghawo gherekoghe gha kiwada wikighenda? Na iji ilagho nadajighesha mandu malazi, kwa wundu ngera ngelo ihi Maria wodeka kidombo umwadie mwana, na Josefu worekoghe andu

kumu na mifugho iko buronyi. Na ngelo ichenio, walisha wedeka wikilola ni hao Jesu uko!

Na andenyi ya chuo chielie cha **Isaya 11:1** chaweghora;

**1 Mndumu uchacha wa kivalwa cha Jesus a longe lujokagha akirimbenyi cha mudi luzoghorwagha ni miri yaro.**

Na andenyi ya chuo chielie cha **Mabonyo gha Wadumi 15:13-14** chawewonyera ngelo Jakobo woghorieghe kwamba;

**13 Nao iji wameria kughora agho malagho, Jakobo ukatumbulia, “Wanidu, nisikirenyi.**

**14 Simeoni waghora idakoni seji Mlungu orezoeghe kuwivikia wandu wa mbari zima, ukupatire wandu kufuma aghadi kwawo kwa wundu ghwa irina jake.** Hata oho kumoni koko andenyi! Kwa matuku agho gha kala, malagho ghadima kuwoneka ndeghibonyekagha, ela Mlungu ukawireda wandu wose andu aje widimagha kumanya Jesu, eri widime kucha na kumwusa. Na koko na msharia ghumu ghuniboiyagha ghuko andenyi ya chuo chielie cha **Luka 2:12**, na ghwaweghora;

**12 Na ihi niyo alama emmonyera, mchakiwona kana kakoo karighirilwa nguwo ra kiwanake, kararishwa andu mfugho rijiagha kiwandenyi.**

Namba Maria wakwana na walisha, womerieghe kumanya ni ani wawelolwa. Namba walisha wabusa na kughorelwa,.....*muchamwona kwa kumlola, uhu mwana, Mkiri.* Maria womanyireghe agha, kwa wundu neko na wuloli andenyi ya ngolo yake, ngelo womwangieghe Jesu, Mkiri wapo, womerieghe kuwona kufuma kwa Maandiko na ukamanya ni ani wawalwa kuidiria uo. Na ukaghaluka na ukaghora, “Ini ni mdumiki wako Bwana.” Na walisha wikawona uja werekoghe

wikimlola imbiru wiselolie ng'ondi ija ifunywagha kizongona hekalunyi. Na wikamwona Jesu, uhu mwana mtini, Ng'ondi ya Mlungu. **Ng'ondi ya Mlungu ija iinjagha kaung'a ra wurumwengu.**

Na kukaghesha uhu mwana, na kukamwona, Kristo uko mwana, kwadima kughesha ni ani? Kwadima kughesha ni uja Umweri wojifunyireghe kucha na kuka Mkiri wako, uja wochege usewadie iboa jingi, kugaramikia mdamu; kughua ughu wurumwengu kufuma kwa mwiwi uja womanyireghe jeko ituku jimu uchagha barwa chongo, seji iko andenyi ya Maandiko ghaja dinekelo andenyi ya chuo chielie cha **Kuzoya 3:15** ghighoragha;

**15 Nichawika wumaiza aghadi yako na uo muka, na aghadi ya kivalwa chako na kivalwa chake. Uo uchachibara chongo chako, na oho kuchamluma ghimbe yake.** Koko tayari kughora Bwana, Bwana nerekoghe nikilola kilambo nisekoghe nikichimanya, ela woko uhu Mlungu uko andenyi ya ngolo yapo. Natimie ghose. Na siwemanya niki chiko aje shighadi, ela jeko ilagho jiseko. Bwana nakunde nikuwuse oho Bwana.

*Na ni kwa irina ja Jesu. Amen.*